

Hauora Kaupae 1

Tautuhinga Aromatawai Ā-Waho 2024

Te Paerewa Paetae	92059
Te Ingoa	Te tautohu i ngā āhuatanga matua o te whanaungatanga me te hononga ki te oranga
Te Marautanga	Te Marautanga o Aotearoa
Te Wāhanga Ako	Hauora
Ngā Whiwhinga	E 5
Te Tukanga Aromatawai	He Tūmahi Aromatawai Pātahi (TAPā)
Te Rā Aromatawai	Te 5 o Hune 2024
Te Roanga o te Aromatawai	E 90 meneti

Te Tūmahi Aromatawai Pātahi (TAPā)

He tūmahi te Tūmahi Aromatawai Pātahi (TAPā), ka whakaritea, ka mākahia hoki e Te Mana Tohu Mātauranga o Aotearoa (NZQA), engari ka whakahaerehia e te kura.

Ko te rā kua whakaritea e tutuki pai ai tēnei TAPā, ko te 5 o Hune 2024. Ka tukuna atu e Te Mana Tohu Mātauranga o Aotearoa tētahi honongaitua ki te TAPā.

Te Whakatakotoranga Aromatawai

He rauemi tēnei ka tō mai i ngā whakaaro o te ākongā ki te whakaatu i tōna mārāma ki ngā āhuatanga matua o te whanaungatanga me ngā hononga ki te oranga o te tangata. Ka tukuna hoki he horopaki i te aromatawai hei āwhina i te ākongā ki te whakaatu i tōna mārāma.

Ngā āhuatanga matua o te whanaungatanga

- Te Whakapapa: Ko ngā hononga ā-whakapapa, ko ngā hononga ā-toto, ko tētahi momo hononga kē atu rānei o te tangata ki te tangata e kīia ai rāua he whanaunga, he hoa tata rānei.
- Te whānau, te hapū, te iwi.
- Te whakawhanaungatanga, te aroha, te wairuatanga.

- Te manaakitanga, te kotahitanga, me te ūkaipōtanga.
- Te rangatiratanga, te pūkengatanga.

Ngā hononga ki te oranga

- Te noho tahi a ngā tēina me ngā tuākana.
- Te aroha me ngā taura here tangata.
- Ngā hua o te mahi ngātahi.
- Te tautoko.
- Te atawhai.
- Te mana o te whānau, o te hapū, o te iwi.
- Te kiritau.

Mā te ākonga e whiriwhiri te whakautu ā-tuhi (kia 400 ki te 450 ngā kupu), te whakautu ā-waha rānei (kia 3 meneti te roa).

Ngā Herenga Aromatawai

Me whakaoti te ākonga i tēnei TAPā ki mua i te aroaro o te kaiako, ā, me whai hoki i ngā ture whakamātautau: [NCEA - Assessment and Examination Rules and Procedures](#). I te wā o te aromatawai, me aro anake ngā ākonga ki ngā rauemi kua whakaaetia mō te aromatawai.

Kāore e whakaae te kawae tuhinga kē, te kawae rauemi tautoko kē rānei ki roto i te rūma whakamātautau. Ka 90 meneti noa te roa ki te ākonga ki te whakaoti i tēnei TAPā. Mō te tūpono ka raru te ipurangi, ka tukua hoki he kape ā-pepa.

Me tuhi i ngā kōrero ki te reo Māori anake.

Hei āpitihanga atu ki ngā tikanga aromatawai

Ki te kore te ākonga e mahi i te aromatawai i te rā o te aromatawai, me whai te tukanga o te *'Derived Grade'*. He mea nui kia pupuri te kaiako i ngā taunakitanga o ngā TAPā (whakaharatau) e mārama ai ki Te Mana Tohu Mātauranga o Aotearoa i te ahunga o ngā mahi, mehemea i whai wāhi atu te ākonga ki tēnei TAPā.